

BASES QUE REXERÁN O CONCURSO DE COMPARSAS PARTICIPANTES NO PASARÚAS E GALA DO ENTROIDO 2016 NO CONCELLO DE FERROL

1. O Concello de Ferrol realizará o Entroido o **martes día 09/02/2016** no centro da cidade. As actividades previstas serán as seguintes :

- ◆ Desfile de comparsas con saída dende a Praza de España. Hora aproximada 18:00 horas.
- ◆ Gala do Entroido. Festival no que as comparsas desenvolverán a súa capacidade creativa nun escenario na Praza de Amboaxe. Hora aproximada 19:30 horas.

Co obxecto de promover unha das festas tradicionais máis celebradas no noso Concello e recuperar unha das prácticas máis populares destas datas, o Concello de Ferrol convoca un concurso de Comparsas.

2. As comparsas inscritas no concurso participaran no desfile e na gala do Entroido, (un máximo de 15 comparsas), previa presentación da folla de inscrición (Anexo I ou Anexo II) no rexistro xeral do Concello en horario de 9.00 a 14.00 horas, todos os días excepto o sábado que será de 9.00 a 13.00 horas.

O prazo de inscrición será de dez días dende o día seguinte á publicación destas bases no BOP. Os criterios de admisión serán o de orde de entrada da solicitude de participación (Anexo I ou Anexo II) no rexistro xeral municipal, con preferencia das comparsas que se inscriban que pertencen ao Concello de Ferrol (primará este criterio sobre o anterior).

A organización reservarase o dereito á cancelación do evento no suposto de que non se acade o número mínimo de 8 comparsas participantes.

3. As comparsas participantes terán ós seguintes premios en metálico:

1º Premio	299 euros
2º Premio	289 euros
3º Premio	279 euros

O resto de comparsas participantes recibirán un premio de 269 euros cada unha. O pago realizarase mediante transferencia bancaria ao número de conta indicado na folla de inscrición, sempre e cando cumpran cos requisitos establecidos.

4. Consideraranse como **comparsas** o grupo de persoas integrado por un número igual ou superior a 10 compoñentes **debidamente disfrazados e gardando unha unidade temática** na súa vestimenta e actuación. A simple uniformidade dos seus compoñentes non será considerado como "disfraz", quedando nas mans da empresa organizadora deste evento a exclusión daquelas agrupacións que non cumpran estas normas.

5. Todas as comparsas deberán estar **disfrazadas axeitadamente** e preparadas para a súa participación, tanto no desfile coma no festival, así como á disposición da empresa organizadora deste evento nos horarios fixados por esta.

Tanto a orde de saída no desfile así como a de actuación seguirá a orde de presentación de instancias.

6. Cada comparsa deberá interpretar ante o público nas instalacións destinadas ao evento un máximo de dúas cancións, dúas parodias ou unha canción e unha parodia, que terá unha **duración máxima de 10 minutos**. As **letras** serán en **galego** e cada comparsa entregará no Concello (negociado de Festas) copia das cancións ou guión das parodias a interpretar .

7. As comparsas poderán distribuír as letras das súas cancións entre os asistentes ao festival. Dado o carácter humorístico desta festa tradicional, o Concello de Ferrol non asumirá responsabilidade algunha acerca das letras, interpretacións e disfraces das comparsas participantes.

8. As comparsas participarán no desfile e na gala realizada e permanecerán nas rúas da cidade ambientando a zona, ata as 23:00 horas da noite do martes de Entroido, ou ata que remate o festival se este finalizase máis tarde desa hora segundo o establecido pola organización do evento.

9. A inscrición implica o total coñecemento das bases do concurso. O incumprimento dalgunha delas supón a descualificación e baixa do concurso.

10.O xurado terá en conta a orixinalidade dos disfraces, que deberán ter unha temática común en base a unha representación ou unha actuación musical.

11.O xurado será designado polo Concello de Ferrol, que levantará acta ao remate do concurso.

12. O xurado terá potestade para resolver calquera dúbida que poida xurdir no desenvolvemento do concurso. A decisión do xurado será inapelable.

13. As presentes Bases serán publicadas no BOP e poderanse consultar na páxina web do concello así como a folia de inscrición.

Ferrol,
A concelleira de Festas,

Beatriz Sestayo Doce